

Bilten

Maj 2021.
Izdanje br. 32



Općinski sud u Sarajevu
Општински суд у Сарајеву
Sarajevo Municipal Court

Općinskog suda u Sarajevu



Elektronsko povezivanje sarajevskog Općinskog suda i MUP-a KS znatno bi olakšalo izdavanje ličnih dokumenata građanima

Strana 3



Strana 6

USAID pruža podršku sudovima i tužilaštvima u cilju zaštite građana i uposlenih od širenja korona virusa



Podrška Vlade KS unapređenju rada Općinskog suda

Strana 8



Održan sastanak na temu sigurnosti pravosudnih institucija u Kantonu Sarajevo

U Multimedijalnoj sali sarajevskog Općinskog suda 29.12.2020. godine održan je sastanak na temu sigurnosti pravosudnih institucija u Kantonu Sarajevo, sa posebnim akcentom na slučajeve sve češćih anonimnih dojava o postavljanju minsko-eksplozivnih naprava u pravosudnim institucijama.

Sastanak je održan u organizaciji Sudske policije u Federaciji Bosne i Hercegovine, a istom su prisustvovali Amina Begović, zamjenica predsjednika Kantonalnog suda u Sarajevu, Janja Jovanović, predsjednica Općinskog suda u Sarajevu, Sabina Sarajlija, glavna tužiteljica Kantonalnog tužilaštva KS, Almir Pašić, načelnik Kriminalističko-obavještajne jedinice MUP-a KS kao i predstavnici Sudske policije u Federaciji Bosne i Hercegovine Dženad Grošo, direktor, Edin Vehabović, pomoćnik direktora te Mirza Biber, zapovjednik Odjeljenja sudske policije sudova u KS. Na sastanku je konstatovano da Palata pravde, u kojoj su smješteni sarajevski Kantonalni i Općinski sud te Kantonalno tužilaštvo KS, ima najsloženiju sigurnosnu situaciju jer se radi o velikom prostoru, velikom broju uposlenika, ali i najfrekventnijoj pravosudnoj instituciji



▲ Detalji sa održanog sastanka

u koju dnevno uđe nekoliko hiljada stranaka. Dojava o postavljanju minsko-eksplozivne naprave u navedenim pravosudnim institucijama predstavlja veliki izazov i posao sa sudsku policiju, ali i problem za institucije. S tim u vezi predsjednica Jovanović je istakla da svaka dojava o postavljenoj minsko-eksplozivnoj napravi u Općinskom ili Kantonalnom sudu rezultira ne samo evakuacijom svih uposlenika koji po nekoliko sati izostaju sa radnih mjesta, nego i odlaganjem velikog broja ročišta.

“Analizom smo utvrdili da je tokom posljednje dojave odgođeno čak 64 ročišta. I sudu i strankama u postupku prouzrokuju se ogromni

troškovi, a da ne govorimo o tome koliko se poremeti cijeli radni proces”, istakla je Jovanović.

S obzirom da su anonimne dojave o postavljenim minsko-eksplozivnim napravama u pravosudnim institucijama u posljednje vrijeme jako učestale te da znatno utječu na rad i normalno funkcionisanje pravosudnih institucija u Kantonu kao i na efikasnost pravosuđa u cjelini, učesnici sastanka su se usaglasili da je nužno poduzeti određene aktivnosti s ciljem sprječavanja anonimnih dojava kao i adekvatnog kažnjavanja počinioca ovakvog krivičnog djela.

S tim u vezi zaključeno je da je potrebno izvršiti određene analize prethodnih anonimnih dojava, tražiti izmjenu određenih zakonskih propisa koji se tiču telekomunikacija, obezbijediti personalno i materijalno-tehničko jačanje u smislu sigurnosti i tehničke zaštite pravosudnih institucija u Kantonu Sarajevo, te poduzeti aktivnosti na dodatnom unapređenju operativne saradnje između Sudske policije u Federaciji Bosne i Hercegovine, Uprave policije MUP-a Kantona Sarajevo i Federalne uprave policije. ■



▲ Predsjednica Jovanović i Sabina Sarajlija, glavna tužiteljica Kantonalnog tužilaštva KS



Elektronsko povezivanje sarajevskog Općinskog suda i MUP-a KS znatno bi olakšalo izdavanje ličnih dokumenata građanima

Admir Katica, ministar MUP-a Kantona Sarajeva i Nusret Selimović, policijski komesar, posjetili su Općinski sud u Sarajevu te je tom prilikom održan i radni sastanak sa predsjednicom suda, Janjom Jovanović. Sastanak je održan na temu saradnje MUP-a sa sarajevskim Općinskim sudom. Analizirani su i postojeći problemi u radu s posebnim akcentom na iznalaženje mogućih rješenja kojima bi se rad obje ove institucije znatno poboljšao, a pružanje usluga prema građanima pojednostavilo i ubrzalo.

U vezi sa radom Prekršajnog odjeljenja, predsjednica je informisala ministra da je ovo odjeljenje tokom 2020. godine zaprimilo čak 40% više predmeta nego 2019., a broj predmeta po sudiji trenutno iznosi 1.000. Razlog tome je i enorman broj prekršajnih naloga koji su u

protekloj godini pristigli na sud, a veliki broj istih se odnosio na prekršaje nastale zbog nepoštivanja epidemioloških mjera koje su bile na snazi. Prekršajno odjeljenje je tokom prošle godine samo od MUP-a KS zaprimilo 10.318 predmeta.

Na sastanku se razgovaralo i o predmetima koji su oduzeti u pravomoćno okončanim krivičnim i prekršajnim postupcima. Radi se o predmetima poput monitora, centralnih jedinica, vaga, parfema, a koji se već neko vrijeme čuvaju na sudu te je iste potrebno u saradnji sa MUP-om KS uništiti. Predsjednica Jovanović je zatražila od ministra da se poduzmu aktivnosti kako bi u narednom periodu MUP preuzeo oduzete predmete od suda i obavio uništenje.

Kada je riječ o oduzetim predmetima, predsjednica je pomenula i

vozila koja su oduzimana u prekršajnom postupku. U jednoj od realizovanih akcija mnogo vozila je oduzeto. Sud je nedavno prodao određeni broj vozila, dok je određeni broj uništen.

Predsjednica je obavijestila ministra da je Zk ured ovog suda u posljednjih nekoliko godina znatno opterećen predmetima i zahtjevima stranaka jer je došlo do određenih izmjena zakona, a pri tome se nije vodilo računa niti o ekonomskim niti o ljudskim resursima suda. Izmjene i dopune Zakona o prebivalištu i boravištu građana BiH prouzrokovale su velike gužve u Zk uredu. Naime, članom 8. Pomenutog zakona propisano je da u postupku prijavljivanja prebivališta i adrese stanovanja državljani su dužni da prilože dokaz da imaju valjan osnov za prebivalište na

adresi na kojoj se prijavljuju. Kao jedan od dokaza da državljanin ima valjan osnov za prebivalište na adresi na kojoj se prijavljuje smatra se dokaz o vlasništvu ili suvlasništvu ili posjedu stana, kuće ili drugog objekta za stanovanje; isto se dokazuje zk izvotkom koji izdaje Zk ured ovog suda. Prilikom pribavljanja dokumentacije potrebne za izdavanje lične ili vozačke dozvole, veliki broj građana svakodnevno dolazi u Zk da preuzme zk izvodak, a što trenutno predstavlja velik problem što zbog Koronavirusa, a što zbog malog broja zk referenata. S obzirom da je pomenutim Zakonom prepisano da se podaci mogu i elektronski sakupljati, potrebno je da se elektronski uvežu nadležni MUP i ovaj sud, a kako bi se građanima znatno olakšalo izdavanje ličnih dokumenata. Ukoliko



▲ Ministar Katica i komesar Selimović

bi se MUP KS elektronski uvezao sa sudom, odnosno Zk uredom, prilikom predaje zahtjeva za izdavanje lične karte ili vozačke dozvole, MUP bi imao pristup elektronskoj zemljišnoj knjizi te tako odmah izvršio uvid u istu i dobio potrebni zk izvodak. Na taj način bi se građanima olakšalo izdavanje dokumenata i rješavanje istog na jednom mjestu,

a smanjile bi se gužve u Zk uredu. Predsjednica je predložila da ministar razmotri mogućnosti elektronskog uvezivanja te da o tome obavijesti predsjednicu suda. Sastanku su prisustvovali i sudija Jasmina Alibašić, predsjednica Prekršajnog odjeljenja, sudija Adela Bejtović te Olja Avdagić, referent za izvršenje krivičnih sankcija. ■

Za rukovodeće državne službenike i šefove odsjeka sarajevskog Općinskog suda održana obuka na temu „Primjena Pravilnika o ocjenjivanju državnih službenika“

U Multimedijalnoj sali sarajevskog Općinskog suda 05.01.2021. godine održana je obuka na temu „Primjena Pravilnika o ocjenjivanju državnih službenika“. Obuka je održana u organizaciji Agencije za državnu službu FBiH, a nami-

jenjena je rukovodećim državnim službenicima i šefovima odsjeka koji učestvuju u postupku ocjenjivanja.

Cilj buke bio je ojačati kapacitete učesnika u primjeni „Pravilnika o ocjenjivanju državnih službe-

nika („Službene novine Kantona Sarajevo,“ broj 50/17) i Zakona o namještenicima („Službene novine Federacije BiH“ broj 49/05), a koji se odnose na ocjenjivanje namještenika.

Tokom predavanja učesnici su imali priliku da kroz grupni rad i praktične primjere pređu pravni okvir i faze u postupku ocjenjivanja državnih službenika i namještenika, demonstriraju postupak i način postavljanja ciljeva i mogućnost redefiniiranja istih, način utvrđivanja ocjena, žalbeni postupak i najčešće nedoumice u postupku ocjenjivanja te u konačnici povezivanje individualnih ciljeva sa ciljevima organizacije u cjelini. ■



Predsjednica Jovanović: „Sud nije naplatna služba komunalnih preduzeća“

U sarajevskom Općinskom sudu 19.01.2021. godine organizovan je sastanak predsjednice suda, Janje Jovanović te Envera Hadžiahmetovića, novoimenovanog ministra komunalne privrede, infrastrukture, prostornog uređenja, građenja i zaštite okoliša Kantona Sarajevo. Sastanku su prisustvovali i savjetnik ministra, predsjednica Izvršnog odjeljenja suda, sudija Amela Balić, te predsjednik Odjeljenja za rješavanje po vjerodostojnoj ispravi - Grbavica, Nenad Banduka.

U uvodnom dijelu sastanka predsjednica Jovanović je istakla da je ovaj sud već godinama zatrpan komunalnim predmetima koji uveliko opterećuju sud. „Mi smo nadležni da rješavamo strukturne predmete, a ne da budemo naplatna služba komunalnih preduzeća. Mi bismo trebali biti posljednja adresa kojoj bi se obratila komunalna preduzeća nakon što iskoriste sve druge mehanizme naplate svojih potraživanja od dužnika prije nego pokrenu tužbu“ - izjavila je predsjednica Jovanović.

Krajem svake godine veliki broj tužbi pristigne od strane javnih ko-



▲ Detalji sa održanog sastanka

munalnih preduzeća. Tako je, na primjer, Odjeljenje za rješavanje po vjerodostojnoj ispravi tokom 2020. g. zaprimilo čak 80.785 novih predmeta i iako je urađeno 81.581 predmet, neriješenih je ostalo 965.945. I pored brojnih projekata koji su pokrenuti, problem komunalnih predmeta u ovom sudu se godinama ne rješava.

Učesnici sastanka su se usaglasili da su glavni problemi ogromnog broja tužbi neuredna evidencija komunalnih preduzeća, tužbe koje se podnose protiv umrlih lica kao i netačne adrese dužnika. Nadalje, veliki

broj tužbi podnosi se radi minornih iznosa od 5 ili 10 KM, a samo formiranje jednog predmeta, kojih ovaj sud ima gotovo milion, košta Kanton Sarajevo čak 75KM. Iz navedenih razloga predsjednica je zatražila od novoimenovanog ministra da se što prije krene u rješavanje pitanja enormnog broja komunalnih tužbi kao i problema naplate sudske takse koju ova preduzeća ne plaćaju. Shodno navedenom, ministar Hadžiahmetović je rekao da je potrebno što prije izvršiti nadzor nad sistemom naplate potraživanja komunalnih preduzeća kako se ne bi sudu nepotrebno podnosile tužbe za iznose koje su građani u međuvremenu izmirili, zatim da se uvede sistem inkasata i sistem obavještanja dužnika o visini duga, a putem telefona ili putem pošte prije nego se podnese tužba te da se u skorije vrijeme riješi i pitanje naplate sudske takse koju javna komunalna preduzeća uglavnom ne plaćaju. Na kraju sastanka je dogovoreno da ministar u skorije vrijeme posjeti i Odjeljenje za sporove male vrijednosti Ilidža i upozna se sa stanjem tog odjeljenja koje također ima veliki broj neriješenih komunalnih predmeta, tužbi podnesenih uglavnom od strane upravitelja zgrada. ■





USAID pruža podršku sudovima i tužilaštvima u cilju zaštite građana i uposlenih od širenja korona virusa

USAID pruža podršku u neometanom radu institucija pravosuđa kroz donaciju opreme za prevenciju širenja zaraze od COVID-19. Putem projekta Pravosuđe protiv korupcije, USAID partnerskim institucijama u pravosuđu donira zaštitnu opremu u ukupnoj vrijednosti \$20.000 za sve institucije, koja će uposlenim služiti kao prevencija širenja zaraze u svakodnevnom radu. Maske za lice, sredstva za dezinfekciju, viziri te zaštitna odijela su već uručeni sudovima i tužilaštvima u Sarajevu, Mostaru, Zenici, Tuzli i Bihaću, te Banjaluci u 22 institucije.

Direktorica Misije USAID-a u BiH Nancy Eslick uručila je 20.08.2020. godine predsjednici

suda Janji Jovanović opremu namijenjenu Općinskom sudu u Sarajevu. Osim uposlenih, svakodnevno kroz Općinski sud u Sarajevu, najveći sud u Bosni i Hercegovini, prolazi veliki broj stranaka, te je zaštitna oprema uz preventivne mjere distance ključna za borbu protiv širenja zaraze. Povećani nivo opreza i preventivnih mjera dezinfekcije, te korištenje zaštitne opreme, će doprinijeti smanjenom riziku od širenja zaraze.

Moramo naglasiti da USAID, pored doniranja zaštitne opreme sudovima i tužilaštvima, pruža i podršku institucijama pravosuđa sa ciljem bržeg i efikasnijeg procesuiranja predmeta visokog nivoa korupcije i organizovanog kriminala

te u borbi protiv korupcije unutar samog pravosuđa.

Tokom pandemije, rad i svakodnevne aktivnosti su otežani, ali svakako najveći prioritet je zaštita na radu i spašavanje života. Do danas je američka vlada, prvenstveno putem USAID-a, osigurala preko 1,8 milijardi dolara pomoći za podršku ekonomskom, demokratskom i socijalnom napretku u BiH. Američka agencija za međunarodni razvoj predvodi napore američke vlade na zaustavljanju ekstremnog siromaštva uz promoviranje snažnijih demokratskih zajednica.

Za više informacija o USAID-u i projektima posjetite: www.usaid.gov. ■



Imenovane nove sudije Općinskog suda u Sarajevu

Visoko sudsko i tužilačko vijeće Bosne i Hercegovine (VSTV BiH) je na sjednici održanoj 15. i 16. Septembra 2020. godine donijelo odluke o imenovanju nosilaca pravosudnih funkcija u Bosni i Hercegovini. Tom prilikom imenovane su i sudije Općinskog suda u Sarajevu i to:

- Sakić Muris, na poziciju sudije Općinskog suda u Sarajevu;
- Bejtović-Janušić Adela, na poziciju sutkinje Općinskog suda u Sarajevu;
- Lučić Milica, na poziciju sutkinje Općinskog suda u Sarajevu;
- Banduka Nenad, na poziciju sudije Općinskog suda u Sarajevu;
- Kulenović Nermina, na poziciju sutkinje Općinskog suda u Sarajevu;
- Kršlak Edina, na poziciju sutkinje Općinskog suda u Sarajevu;
- Mirjanić Dragan, na poziciju sudije Općinskog suda u Sarajevu;
- Skoko Predrag, na poziciju sudije Općinskog suda u Sarajevu;
- Mušinović Armina, na poziciju sutkinje Općinskog suda u Sarajevu;



- Krivić Azra, na poziciju sutkinje Općinskog suda u Sarajevu;
- Karahmetović Mirsada, na poziciju dodatne sutkinje Općinskog suda u Sarajevu;
- Trumić Anel, na poziciju dodatnog sudije Općinskog suda u Sarajevu;

Janja Jovanović, predsjednica Općinskog suda u Sarajevu, održala je 16.10.2020. godine sastanak sa novoimenovanim sudijama. Nakon pozdravne riječi, predsjednica je prisutnima poželjela sreću u budućem radu te istakla da je zaista velika čast, ali i odgovornost biti

dio ovakvog jednog velikog kolektiva kao što je to sarajevski Općinski sud.

Predsjednica je prisutne ukratko informisala o radu sarajevskog Suda, o budućim planovima i aktivnostima koje će se poduzeti s ciljem efikasnijeg i bržeg rješavanja sudskih predmeta i postizanja ažurnosti u svim referatima te ih obavijestila na kojim će referatima novoimenovane sudije biti raspoređene.

Inače, pri donošenju odluke o imenovanju na poziciju sudije ili stručnog saradnika VSTV BiH je uzео u obzir kriterije poput: stručnog znanja, radnog iskustva i radnih rezultata; stručne sposobnosti zasnovane na dosadašnjim rezultatima u karijeri; sposobnosti da nepristrasno, savjesno, marljivo, odlučno i odgovorno obnaša dužnosti u okviru funkcije za koju se prijavljuje; odnosa sa radnim kolegama, ponašanja van posla, profesionalne nepristranosti, ugleda i iskustva na rukovodećim poslovima. Pri imenovanju, VSTV BiH primjenjuje odgovarajuće ustavne odredbe kojima se uređuju jednaka prava i zastupljenost konstitutivnih naroda i ostalih te poštuje ravnomjernu zastupljenost spolova

Novoimenovane sudije stupile su na dužnost 15.10.2020. godine. ■



▲ Novoimenovane sudije



Podrška Vlade KS unapređenju rada Općinskog suda

Premijer Kantona Sarajevo Mario Nenadić, ministrica pravde i uprave Mersa Kustura i njena pomoćnica za pravosuđe i izvršenje sankcija i mjera Irena Zima posjetili su 15.06.2020. godine Općinski sud u Sarajevu.

Predsjednica suda, Janja Jovanović, upozнала je predstavnike Kantona sa aktuelnom situacijom i organizacijom rada u sudu tokom pandemije, kao i sa trenutnim problemima.

Sud radi u punom kapacitetu od 02. juna 2020. godine, uz poštivanje svih propisanih mjera zaštite. Istaknuto je kako je Ministarstvu pravde i uprave KS dostavljen izvještaj o utrošenim sredstvima za nabavku neophodne zaštitne opreme za rad suda tokom pandemije, kao i plan nabavke za naredni period, kako od donatora tako i iz sredstava Budžeta Kantona.

Tema razgovora bila je i primjena Kolektivnog ugovora za državne službenike i namještenike u organima državne službe Kantona Sarajevo, kao i problem u vezi imenovanja sudija od strane Visokog



sudskog i tužilačkog vijeća BiH. Kanton Sarajevo iz godine u godinu osigurava neophodna sredstva za nova upošljavanja sudija ali, nažalost, procedure njihovog izbora traju godinu dana, pa i više. Sve se to održava i na efikasnost i ažurnost rada u sudu, istaknuto je.

Sudu trenutno nedostaje 13 sudija i tri stručna saradnika, ali i pored toga što su osigurana sredstva za njihovo upošljavanje te procedure traju već nekoliko godina, naglašeno je.

Od ukupnog broja predmeta na Općinskom sudu trenutno, više od 96 posto njih čine tzv. komunalni

predmeti. Kako bi se smanjio pritisak na ovaj sud usljed formiranja sudskih predmeta zbog neizmirenih računa za pružene komunalne usluge, dogovoreno je da će Ministarstvo pravde i uprave u saradnji sa ministarstvima komunalne privrede i infrastrukture, te prostornog uređenja i zaštite okoliša KS pokrenuti aktivnosti na unapređenju sistema naplate u ovoj oblasti.

Premijer Nenadić je, ovom prilikom, zahvalio predsjednici Jovanović na uspješnoj dugogodišnjoj saradnji i istakao kako je Vladin cilj i dalje dodatno unapređenje rada suda. ■

Na Jahorini održana radionica na temu „Strateški i operativni pristup predmetima korupcije i organizovanog kriminala visokog nivoa“

USAID nastavlja rad sa institucijama bh. pravosuđa, ovaj put sa partnerskim sudovima. Korupcija i organizovani kriminal, uključujući trgovinu ljudima, su izuzetno važne i aktuelne teme o kojima treba javno da se govori.

USAID-ov projekat „Pravosuđe protiv korupcije“ organizovao je 18. Septembra 2020. godine radionicu u Sarajevu (Jahorina) na temu „Strateški i operativni pristup predmetima korupcije i organizovanog kriminala visokog nivoa“.

Predsjednici partnerskih sudova diskutovali su kako unaprijediti rad i efikasno se suprotstaviti ovim složenim oblicima kriminala posebno u otežanim uslovima prouzrokovanim posljedicama pandemije. ■

VSTV BiH nastavlja sa unapređenjem kvaliteta bh. sudova

Sastanak održan 08.09.2020. godine sa predsjednicama Građanskog odjeljenja sarajevskog Kantonalnog suda i Parničnog odjeljenja Općinskog suda u Sarajevu jedan je od koraka u kontinuiranom nastojanju Visokog sudskog i tužilačkog vijeća Bosne i Hercegovine (VSTV BiH) da unaprijedi kvalitet bh. sudova.

Kantonalni sud u Sarajevu i Općinski sud u Sarajevu, zajedno sa Osnovnim sudom u Banjoj Luci i Okružnim sudom u Banjoj Luci, bile su prve institucije u kojim je VSTV BiH implementirao mehanizme usmjerene na poboljšanje kvaliteta rada, a na današnjem sastanku analizirani su postignuti pomaci.

Fokus sastanka bio je na analizi primjene metoda rada usvojenih u okviru saradnje sa sudijama iz Nizozemske i Norveške te do sada postignutim rezultatima u ovim sudovima kroz Projekt unapređenja kvaliteta pravosuđa, kojeg VSTV realizuje uz finansijsku podršku Vlade Norveške, njihove održivosti i mogućnosti primjene pozitiv-



nih praksi u drugim pravosudnim ustanovama u cijeloj BiH.

Sastanku je, uz predstavnike projekta, prisustvovao i viši međunarodni pravni stručnjak te voditeljica projekta ispred Sudskog vijeća Nizozemske, koje aktivno podržava cjelokupan proces reforme pravosuđa kroz Projekt unapređenja kvaliteta pravosuđa, a u čiju je realizaciju uključeno osamnaest sudova iz Bosne i Hercegovine s ciljem razvoja upravljačkih vještine predsjednika sudova i predsjednika sudskih odjeljenja, te unapređenja organizacione kulture u sudovima kroz jačanje timskog rada i razvijanja osjećaja odgovornosti za zajedničke rezultate rada.

Istovremeno, aktivnosti projekta usmjerene su i ka razvoju alata koji pomažu sudijama u efikasnijem

provođenju postupka te uspostavljanju mehanizma redovne saradnje između prvostepениh i nadležnih drugostepениh sudova.

Projekt implementira Visoko sudsko i tužilačko vijeće Bosne i Hercegovine (VSTV BiH) uz finansijsku podršku Vlade Norveške, a u saradnji sa Sudskom administracijom Norveške i Sudskim vijećem Nizozemske.

O dosadašnjim rezultatima, njihovoj održivosti i primjerima pozitivnih praksi, predstavnici projekta i članovi VSTV BiH razgovarat će i sa predsjednicama Općinskog suda u Sarajevu i Kantonalnog suda Sarajevo te organizovati niz posjeta pravosudnim institucijama u BiH, sa ciljem što uspješnijeg nastavka realizacije Projekta unapređenja kvaliteta pravosuđa. ■



Godišnji izvještaj o radu

Općinskog suda u Sarajevu tokom 2020. godine

Na početku 2020. godine u sarajevskom Općinskom sudu bilo je 1.099.060 neriješenih predmeta. Tokom godine zaprimljeno je 181.056 novih predmeta tako da j u radu bilo 1.280.116 neriješenih predmeta. Od tog broja do 31.12.2020. godine riješeno je 174.455 predmeta dok je neriješenih ostalo 1.105.661.

Od ukupnog broja neriješenih predmeta, komunalnih predmeta je 1.105.661 (95,66%) dok je samo 47.983 ili 4,34% strukturalnih predmeta.

Norma suda za 2020. godinu iznosi 112,97% dok kvaliteta rada suda iznosi 89,51%.

Bitno je istaći da je na normu suda, kao i na ostvareni procenat Plana rješavanja starih predmeta tokom 2020. godine, znatno utjecao i broj nosilaca pravosudne funkcije. Naime, u protekloj godini ovaj sud se kontinuirano suočavao sa problemom nedostatka odgovarajućeg broja sudija i stručnih saradnika, a što se u konačnici znatno odrazilo na dužinu trajanja postupka kao i na ukupan broj riješenih predmeta na kraju godine.

Naime, sarajevskom Općinskom sudu je u januaru 2020. godine nedostajalo 12 sudija, u februaru i martu 13, od aprila do novembra nedostajalo je 14 sudija, u novembru je nedostajalo troje, a u decembru šest sudija. Prosječno, na nivou godine, konstantno je nedostajalo 12 sudija. Ako se isto prikaže kroz utvrđeni mjesečni normativ sudije, u toku 2020. godine je zbog neblagovremenog izbora sudija bilo manje urađenih predmeta i to:

- Parničnih predmeta = 2.112 ili

- Prekršajnih predmeta = 10.296 ili

- Izvršnih predmeta = 7.260

Zbog neblagovremenog izbora stručnih saradnika u toku 2020. godine, na Općinskom sudu u Sarajevu su od januara do aprila nedostajala dva stručna saradnika, od aprila do novembra tri, u novembru šest i u decembru sedam stručnih saradnika. Izraženo kroz utvrđeni mjesečni normativ stručnog saradnika, u toku 2020. je zbog neblagovremenog izbora nedostajućih stručnih saradnika urađeno manje 1.360 Mal – Mals predmeta.

O navedenom problemu ovaj sud je informisao VSTV BiH u više navrata tokom 2020. godine tražeći da se što prije preduzmu sve radnje u cilju popunjavanja upražnjenih pozicija nosilaca pravosudnih funkcija u Općinskom sudu u Sarajevu. Naime, nedostajući broj sudija tokom 2020. godine doveo je do velikog broja manje urađenih predmeta, a što se negativno odrazilo na dužinu trajanja postupaka te prouzrokovalo veliko nezadovoljstvo građana, ali i nezadovoljstvo sudija zbog nedopustivo velikog broja teških strukturalnih predmeta u radu i neadekvatno utvrđenih mjerila i normi propisanih Pravilnikom o orijentacionim mjerilima.

Pored navedenog, mora se naglasiti da je tokom 2020. godine zbog korištenja instituta bolovanja cijelu godinu radilo manje 11 sudija i četiri stručna saradnika, dok je tokom cijele godine na bolovanju bio ukupno 41 uposlenik. ■

Parnično odjeljenje (Ostvarena norma 70,19%)

U periodu od 01.01. do 31.12.2020. u Parničnom odjeljenju se mijenjao broj sudija tako da je do mjeseca juna funkciju sudije na ovom odjelu obnašalo 14 sudija, nakon čega se na Parničnom odjelu smanjuje broj sudija na 12. Kako je izvršen izbor novih sudija ovaj odjel od 15.10.2020. godine broji 16 sudija.

Obzirom da je 2020. bila obilježena pandemijom COVID-19, to stanje se reflektiralo i na rad ovog odjela. Na početku izvještajnog perioda odjeljenje je imalo 3.641 neriješena predmeta, a tokom godine je primilo 3.351 predmeta tako da je u radu bilo ukupno 6.992 predmeta. Iako je u ovoj godini na Parničnom odjelu bio izrazito veliki priliv, a smanjen broj postupajućih

sudija, mora se naglasiti da je na rad uticala i pandemija Covid 19. Radi mjera zaštite zdravlja ljudi, sudije nisu sudile više od dva mjeseca, osim u slučajevima hitnih predmeta, što se moralo reflektirati i na rezultate. Međutim, ipak se može reći da je urađen dosta veliki broj predmeta i to 2.726. Ostalo je neriješenih 4.266 predmeta. Iako sudije nisu vodile ročišta u periodu od dva mjeseca, mora se naglasiti da su sudije tokom tog period obavljalje rad od kuće te uspjele uraditi sve zostatke koje su imale u radu tako da su radom od kuće uspješni završiti 161 predmet.

Parnično odjeljenje u sastavu od 12-14 sudija je u 2020. ostvarilo normu od 70,19%. Vidljivo je da je ostvarena nešto manja norma u odnosu na 2019, ali na normu je uticao kako mali broj sudija tako i pandemija COVID-19. Suđenja nisu održavana, a kako je norma sudija vezana za održavanje ročišta, ova situacija je itekako uticala na normu ovog odjela. Na normu je također uticao i veliki broj odgoda ročišta radi pan-



▲ Manuelna krivična pisarnica

demije, neposredno nakon što je sud počeo da radi u punom kapacitetu, a iz razloga jer je veliki broj advokata, stranaka pa i sudija obolio od Koronavirusa. Sve navedeno je utjecalo i na Plan rješavanja predmeta koji je u 2020. godini realizovan u procentu od 60,12%. Analiza kvalitete rada pokazuje da je u izvještajnom periodu sa Kantonalnog suda u Sarajevu vraćeno ukupno 1.061 predmeta i to potvrđenih ukupno 798 odluka, 118 preinačenih, 117 ukinutih i djelimično ukinutih 27 te je procenat ukupno vraćenih odluka, u odnosu na ukinute i djelimično ukinute odluke, visokih 87,69%, a što je bolji procenat u odnosu na 2019. cca 2,31%. Na Parničnom odjelu su i dalje u toku redovne aktivnosti na praćenju i održavanju pozitivnih rezultata Projekta unapređenja efikasnosti pravosuđa II u saradnji sa timom sudija Okružnog suda u Amsterdamu sa posebnim naglaskom na primjenu projektnih dokumenata i ostvareni nivo saradnje sa Kantonalnim sudom.

Odjeljenje za radne sporove (Ostvarena norma 51,60%)

Programom rada Općinskog suda u Sarajevu za 2020. godinu bilo je planirano da 15 sudija riješi 2.640 pred-

meta odlukom u meritumu, a po godišnjoj normi od 176 tih odluka po sudiji. Od početka godine na odjeljenju radi 14 sudija, a od oktobra 13 sudija.

Na početku izvještajnog perioda odjeljenje je imalo 2.307 neriješena predmeta. Tokom godine savladan priliv predmeta, jer je tokom godine primljen 1.137 predmet, a riješeno je 1.442 predmeta. Priliv je u odnosu na 2019. godinu manji za 448 predmeta. U radu je, dakle, tokom 2020. godine bilo ukupno 3.444 predmeta. Usporedbe radi, odjeljenje je tokom 2019. riješilo 3.134 predmeta, što je više za 1.692 predmeta u odnosu na 2020. godinu. Sa 31.12.2020. godine odjeljenje broji 2.002 neriješena predmeta, što je u odnosu na 2019. manje za 305 predmeta. Godišnja ostvarena norma na nivou odjeljenja iznosi 51,60%. Tokom 2020. godine sudije su riješile 61,29% plana rješavanja predmeta, dok je procenat rješavanja najstarijih predmeta iz plana 47,03 %. Poređenja radi, tokom 2019. godine odjeljenje je imalo godišnju normu od 98,55%, uz realizaciju Plana za tu godinu od 93,59%. Prosječna zaduženost sudija Rs predmetima sa krajem 2020. godine je cca 154 predmeta.

Nakon proglašenja stanja nesreće u Federaciji BiH i odluke VSTV-a o organizaciji i radu sudova u BiH, rad na odjeljenju se organizovao po principu dežura, a ujedno se radilo i od kuće u mjeri u kojoj je to bilo moguće. U cilju provođenja mjere reduciranja broja uposlenika na dnevnom nivou, na odjeljenju je u naznačenom periodu bio obezbijeđen minimalan broj sudija, a radi postupanja po predmetima mjera osiguranja u radnom

▲ Sudija Belma Čano Sejfović



sporu, te po predmetima zadržavanja duševno bolesnih lica u zdravstvenim ustanovama. Sudije odjeljenja za cijeli naznačeni period nisu mogle obavljati suđenja u drugim predmetima niti od kuće pratiti kretanje i stanje predmeta putem CMS-a.

Od početka pandemije zaustavljeno je i redovno (svakodnevno) iznošenje predmeta. Procijenjeno je da se zbog posljedica pandemije na nivou odjeljenja nije realiziralo cca 843 ročišta. Za period mart-april riješilo se 105 predmeta, a uporedbe radi, u istom periodu 2019. godine u normalnim uslovima rada riješeno 607 predmeta. Tokom dežura i rada od kuće sudije su izvršile 83 presude.

Sa normalizacijom rada od početka juna 2020. godine sudije su ulagale velike napore da neaktivne referate ponovo aktiviraju u cilju obrade predmeta, izdavanja dnevnih naredbi i zakazivanja novih ročišta. Do kraja godine na odjeljenju su prisutne poteškoće u radu usljed kojih je vrlo često ponovo dolazilo do opozivanja ili odgađanja ročišta (neko od učesnika u postupku zaražen virusom COVID-19, određene mjere izolacije, česta bolovanja, neuredno uručenje ili neuručivanje sudskih pismena)

Posljedice pandemije su se svakako odrazile na rezultate rada odjeljenja. Ono što je bitno za istaći jeste činjenica da se pojava problematičnog i izuzetno otežanog načina ostvarivanja zadate norme na Rs predmetima javila tokom 2019. godine te je po zaključku svih sudija odjeljenja u najvećoj mjeri uzročnik neostvarivanja

norme u 2020. godini. Na ovom odjeljenju rješavaju se predmeti čije vrednovanje načina završavanja nije prepoznato i što aktima o normiranju i vrednovanju rada sudija tome nije ni posvećena pažnja. Zaključak svih sudija odjeljenja je da je zbog strukture Rs predmeta objektivno nemoguće i nerealno očekivati izradu 16 presuda za jedan mjesec.

Na odjeljenju se problematiziraju brojna pravna pitanja koja su u zavisnosti od samog karaktera i režima radnog odnosa regulisana brojnim zakonima, podzakonskim aktima, kolektivnim ugovorima, pravilnicima, itd. Postupa se po predmetima iniciranim tužbama individualnih radnih sporova u kojima se traži sudska zaštita zbog prestanka radnog odnosa u službi, svih vrsta otkaza ugovora o radu, zaštita od diskriminacije, mobinga, naknade štete zbog povreda na radu ili u vezi sa radom. Vrlo često tužbe u radnom sporu imaju mješoviti deklaratorni, konstitutivni i kondemnatorni karakter te obuhvataju istovremeno više različitih pravnih oblasti. Svakako je učestala pojava tužbi učesnika konkursnih procedura te uposlenika iz specijalnih režima radnih odnosa kojima se traži sudsko preispitivanje konačnih odluka donesenih unutar organa gdje rade (disciplinska odgovornost, ocjenjivanja službenika, činovanja). Na odjeljenju se problematiziraju i pitanja kolektivnog radnog spora. U vezi sa problematikom koja se rješava kroz radni spor, pripremna ročišta ili dugo traju ili se ne završavaju na jednom, a u cilju utvrđivanja bitnih pitanja o kojima se raspravlja na glavnoj raspravi. S toga

do faze izrade presude sudije prethodno provode jako puno radnog vremena samo u sudnici, a obimni dokazni postupak nužno zahtijeva da se glavna rasprava vodi u više nastavaka. Svakako su ovakvi predmeti bili prisutni na odjeljenju i od osnivanja istog, ali je struktura sudijskih referata bila značajno drugačija u odnosu na strukturu referata izraženu tokom 2019. i 2020. godine. U ranijim godinama postojao je veliki broj predmeta novčanih potraživanja, predmeta istovjetne pravne prirode što je sudijama itekako olakšavalo ostvariti normu.

Kvalitet rada

Predmeti na odjeljenju su se i tokom 2020. godine u najvećem broju rješavali meritornom odlukom (presudama).

Analiza kvalitete rada pokazuje da se sa Kantonalnog suda u Sarajevu od ukupno vraćenih 1.595 predmeta, 670 predmeta odnosi na sudije koje su i radile na odjeljenju tokom 2020. godine. Od 670 predmeta potvrđenih je ukupno 579 odluka, 90 preinačenih, 59 ukinutih, te je procenat potvrđenih/preinačenih u odnosu ukinute i djelimično ukinute visokih 91,2%.

Opća analiza kvalitete rješavanja predmeta iz radnih sporova pokazuje da je od ukupno vraćenih predmeta bilo 1.272 potvrđene odluka, 182 preinačenih, pa je procenat potvrđenih/preinačenih odluka u odnosu na broj ukinutih i djelimično ukinutih također visokih 91,16%.

Porodično odjeljenje (Ostvarena norma 85,14%)

U 2020. godini na Porodičnom odjeljenju zaprimljen je 851 predmet. Broj nezavršenih predmeta u 2019. je iznosio 874 predmeta, tako da je ukupno u radu bilo 1.725 predmeta. U 2020. godini odjeljenje je riješilo 966 predmeta, dok je neriješenih ostalo ukupno 759 predmeta.

Priliv u 2020. godini je manji u odnosu na 2019. godinu. Razlog smanjenja broja primljenih predmeta je proglašenje stanja nesreće u Federaciji te donošenje odluke VSTV-a BiH o organizaciji i radu sudova u BiH. U skladu sa navedenim samo u periodu od 16.03 do 29.04.2020. godine odjeljenje je imalo ukupno 287 zakazanih ročišta, (pripremna i glavna ročišta). Radi se o broju ročišta zakazanih prije pandemije, a koja zbog pandemije nisu održana. Smanjen intenzitet rada je nastavljen i u aprilu mjesecu prošle godine. Rad od kuće je bio organizovan tako da su sudije radile na izradama presuda i drugih vrsta odluka. Pored pisanja odluka vršile su i pripreme za buduća složenija suđenja kroz detaljno čitanje tužbi, odgovora na tužbu, dokaza, zapisnika te relevantnog materijalnog prava. U cilju razmjene informacija, iskustava, praćenja stanja u zemlji, odluka koje donose nadležni, praćenja prak-

▲ Sudija Amra Begić



se i pravnih stavova te radi što bolje organizacije rada odjeljenja, sudije su svakodnevno bile u komunikaciji prvenstveno putem viber grupe, a i putem telefona, sms-a te e-maila. Radi pokretanja neaktivnih referata za više od mjesec dana, zbog činjenice da se od početka pandemije zaustavilo svakodnevno iznošenje predmeta sudijama, sudije su, kada bi dolazile na posao, u skraćenom radnom vremenu vršile pregled zatečenih predmeta u kancelarijama, vršile pregled i tzv. crne liste predmeta kroz CMS, ažurirale predmete novim evidencijama za one dane kada i dolaze na posao. Također su i odluke koje su se kod kuće završavale unosile u CMS sistem. Sudije su izdale naredbe u predmetima u kojima je bilo moguće poduzeti radnju (ako je bilo sve skenirano i pripremljeno u omotu), pa su i na taj način sudije u dežurama pripremale predmete za dalju obradu od strane administracije.

Također treba napomenuti da se i u 2020. godini nastavilo sa presigniranjem predmeta sporazumnih razvoda i tužbi bez djece Parničnom odjeljenju.

Norma odjeljenja u 2020. godini iznosi 85,14%. Ova norma ukazuje na kontinuirani rast efikasnosti ovog odjeljenja jer se u obzir moraju uzeti posljedice pandemije. Sudije su posebnu pažnju posvetile rješavanju najstarijih predmeta te realizacija Plana za 2020. godinu iznosi 71,11%. Značajan podatak u analizi rada odjeljenja jeste i činjenica da je ovo odjeljenje od ukupnog broja završenih predmeta 75,39% završilo meritumom. U pogledu kvalitete odjeljenje je ostvarilo procenat od 21,53% ukinutih odluka, tj. ukupno su vraćene 72 odluke, od kojih je potvrđenih 51, ukinutih 15, jedna djelimično ukinuta i preinačenih pet.

Izvjestaj o poštivanju optimalnih i predvidivih rokova ukazuje na poštivanje utvrđenih predvidivih rokova uz konstataciju da i pored otežanih uslova rada zbog pandemije, dužina trajanja postupka bračnih sporova po tužbi iznosi 403 dana, što je ispod utvrđenog predviđivog roka od 525 dana, a što je slučaj i sa izdržavanjem i bračnim sporovima po prijedlogu.

Analizom je utvrđeno da nije bilo opravdanih pritužbi stranaka na rad sudija i izradu odluka u predviđenom roku.

Privredno odjeljenje (Ostvarena norma 119,96%)

Privredno odjeljenje ovog suda je u 2020. godini postupalo prema Planu rada, a sve u skladu sa odredbom člana 27. stav 3. Zakona o sudovima u Federaciji Bo-

sne i Hercegovine. Odjeljenje je rješavalo predmete privrednih sporova (Ps), predmete stečajnih postupaka (St) i predmete likvidacionih postupaka (L).

Na rješavanju ovih predmeta u toku godine radilo je devet sudija.

Veoma značajan utjecaj na ukupan rad Odjeljenja je imala pojava pandemije Koronavirusa, a koja je u znatnoj mjeri utjecala na ukupne rezultate rada ovog Odjeljenja. Pored pandemije, negativan uticaj na rezultate rada ovog Odjeljenja, a vjerovatno i drugih odjeljenja, imao je veliki broj dojava o postavljenim eksplozivnih napravama u zgradi suda.

Radi navedenih pojava, veliki broj ročišta je opozvan, odgođen ili odložen, a ročišta su se kasnije morala ponovo zakazati i održati.

I pored navedenih negativnih uticaja na rad ovog Odjeljenja, sudije ovog Odjeljenja su postigle veoma dobre rezultate, tako da su na nivou Odjeljenja postigle propisanu normu, u procentu od 119,96%.

Prosjeck predmeta po referatu za sudije u 2020. godini iznosio je 202 predmeta.

Radi preglednosti ovog izvještaja, iskazujemo pregled rješavanja predmeta na Privrednom odjeljenju:


Na referatu privrednih sporova (Ps) na početku 2020. godine bilo je ukupno neriješena 1.224 predmeta, u toku godine zaprimljeno je 1.088, riješeno je ukupno 962 predmeta i na kraju godine ostalo je neriješenih 1.350 predmeta.

Na referatu likvidacije pravnih lica (L) na početku 2020. godine bilo je neriješeno 245 predmeta, u toku godine zaprimljeno je 219 predmeta, riješena su 243 predmeta i na kraju godine ostalo je neriješenih 221 predmet.

Na referatu stečajnih predmeta (St) na početku godine bilo je 216 neriješenih predmeta, u toku godine zaprimljen je 131 predmet, u toku godine riješeno je 103 i na kraju godine ostalo je neriješenih 244 predmeta. Plan rješavanja predmeta na nivou Odjeljenja ostvaren je u procentu od 67,87%.



▲ Šalter-sala



▲ Sudija Tanja Curović, predsjednica
Krivičnog odjeljenja suda

Uočljivo je da je kvalitet odluka sudija koje su radile na ovom Odjeljenju u 2020. godini veoma dobar, s obzirom na veoma mali broj ukinutih u odnosu na broj potvrđenih odluka.

Imajući u vidu broj i strukturu predmeta kojima su zadužene sudije Privrednog odjeljenja, smatramo da ima potrebe za još jednim sudijom na ovom Odjeljenju. Prema Planu rada za 2020. godinu Odjeljenje je redovno održavalo sastanke na kojima su sudije, od strane predsjednika Odjeljenja, informisane o rezultatima rada u toku godine, sudijama je omogućeno da daju prijedloge i da iznose svoja mišljenja o svim bitnim situacijama za rad kako Odjeljenja, tako i pojedinačno svakog od sudija. U toku godine nije bilo spornih situacija koje nisu riješene u okviru Odjeljenja. Nije bilo disciplinskih postupaka protiv sudija ovog Odjeljenja. Nastavljen je redovan kontakt sa sarajevskim Kantonalnim sudom u cilju usaglašavanja sudske prakse, što se pokazalo veoma korisnim.

Posebno se naglašava da je međusobna komunikacija i uvažavanje između sudija na ovom Odjeljenju veoma izražena, a ogleda se u tome da sudije veoma često međusobno komuniciraju i stručno raspravljaju o pravnim pitanjima i van redovnih sastanaka ovog Odjeljenja. Ovakav međusobni odnos sudija je veoma pozitivan, veoma bitan i garancija za dobar i kvalitetan rad i ubuduće.

Cilj ovog Odjeljenja je da u 2021. godini sudije ovog Odjeljenja nastave kontinuitet dobrog rada kao i prethodnih godina.

Krivično odjeljenje (Ostvarena norma 98,84%)

U 2020. godini na Krivičnom odjeljenju suda bilo je raspoređeno ukupno 14 sudija koji su pretežno najveći dio godine radili na odjeljenju, osim perioda od po dva mjeseca kada je zbog porodijskog odsustva i imenovanja na sarajevski Kantonalni sud na odjeljenju radilo ukupno 12 sudija.

Na početku izvještajnog perioda ukupan broj neriješenih predmeta je bio 1.633, a na dan 31.12.2020 godine u radu je ostalo 1.155 predmeta. Analizom protoka predmeta u 2020. godini te uporedbom sa izvještajem za isti period protekle godine, evidentan je manji priliv predmeta po svim fazama (u 2019. godini primljeno je ukupno 7.978 predmeta, dok je u 2020. primljeno 6.857 predmeta). Priliv predmeta je savladan u svim fazama postupka, a broj neriješenih predmeta smanjen je za 478.

Krivično odjeljenje je u protekloj godini od ukupnog broja riješenih predmeta ostvarilo normu od 98,84%, a što predstavlja izuzetno zadovoljavajući parametar rada odjeljenja.

Kada je riječ o Planu rješavanja predmeta, u 2020. godini isti je realizovan u procentu od 84,33%, dok je u odnosu na 2019. godinu Plan realizovan u procentu od 95,09%.

Ukoliko se uporede ostvarene norme i realizacija plana u 2020. godini u odnosu na 2019. godinu, evidentno je da rezultati predstavljaju refleksiju objektivnih razloga izazvanih Koronavirusom, što međutim, imajući u vidu manji priliv predmeta u 2020. godini nije utjecalo na kompletan kvalitet rada Krivičnog odjeljenja. Navedeno tim prije što kvalitet rada odjeljenja za 2020. godinu iznosi 86,68% potvrđenih odluka.

Tokom 2020. godine, u radu Krivičnog odjeljenja, a u skladu sa važećim pravilima i preporukama, preduzete su sve mjere i aktivnosti na efikasnom vođenju postupka uprkos nepovoljnoj zdravstveno-epidemiološkoj situaciji koja je umnogome određivala dinamiku rada. Međutim, i pored toga, efikasnost i hitnost postupanja u predmetima u kojima su to nalagala procesna pravila maksimalnim zalaganjem sudija ovog odjeljenja u najvećem djelu je ispoštovana, a kvalitet zadržan.

Također, u proteklom periodu Krivično odjeljenje je redovno održavalo sastanke sudija, na kojim je definisan proces rada, razmatrana pravna pitanja, posebno u pravcu ujednačavanja stavova po istim, vršena ravnomjerne raspodjela predmeta sudijama u fazama postupka, kako bi se postupci proveli što efikasnije, a odluke bile što kvalitetnije. Posebna pažnja posvećena je postupku prethodnog saslušanja, odnosno kvalitetu optužnica kao ključnom preduslova što efikasnog suđenja, te donošenja na zakonu zasnovane pravilne odluke.

Izvršno I-Ip odjeljenje

(Ostvarena norma 86,83%)

Programom rada Općinskog suda u Sarajevu za 2020. godinu bilo je planirano da 20 sudija riješi 12.100 predmeta, a po godišnjoj normi od 605 predmeta po sudiji.

Na početku izvještajnog perioda odjeljenje je imalo neriješenih 16.924 predmeta, a tokom godine je primilo 11.532, tako da je u radu ovog odjeljenja bilo ukupno 28.546 predmeta. U odnosu na 2019. godinu, u kojoj je zaprimljeno 18.553 predmeta, u 2020. godini priliv predmeta je bio manji te je zaprimljeno 11.560. Uprkos stanju nesreće uzrokovane Koronavirusom, koje stanje je do 31.05.2020. godine dovelo do prekida i drugačijeg režima rada, sudije ovog odjeljenja su riješile 10.578 predmeta i ostvarile normu od 86,86%. Posebna pažnja je, kao i prethodnih godina, posvećena rješavanju starih predmeta i smanjivanju broja najstarijih predmeta te su sudije uprkos objektivnim razlozima uzrokovanim pandemijom zbog Koronavirusa ostvarile plan rješavanja predmeta u iznosu od 52,37%, a

što sve govori o velikom zalaganju i radu sudija ovog odjeljenja koje od 15.10.2020. godine broji ukupno 26 sudija. Važno je i istaći da su sudije ovog odjeljenja u periodu drugačijeg režima rada zbog navedene pandemije neodložno postupale u svim hitnim predmetima. Također, u 2020. godini, u cilju kvalitetnijeg i efikasnijeg rješavanja izvršnih predmeta, kao i prethodnih godina, nastavljene su aktivnosti radi jačanja timskog rada, analizirane su mogućnosti za ostvarenje boljih rezultata rada sa akcentom na što efikasnije rješavanje problema u radu i ujednačavanje sudske prakse, a što je sveukupno doprinijelo dobrim rezultatima koje je ovo odjeljenje ostvarilo.

Vanparnično odjeljenje

(Ostvarena norma 202,41%)

Za obavljanje poslova na Vanparničnom odjeljenju Općinskog suda u Sarajevu je Programom rada za 2020. godinu predviđeno da poslove obavlja troje sudija i dva stručna saradnika. U periodu od 01.01. do 14.10.2020. godine poslove je obavljalo dvoje sudija i dva stručna saradnika. S obzirom da je jedna od sudija počev od 01.03.2020. godine koristila porodijsko odsustvo, na Vanparničnom odjeljenju je poslove obavljala samo jedna sudija i dva stručna saradnika, a zbog čega je, imajući u vidu obim poslova na odjeljenju počev od 22.06.2020. godine, za rad na prioritnim predmetima bila raspoređena jedna sudija sa Odjeljenja za radne sporove koja je poslove obavljala pored redovnih poslova u Odjeljenju za radne sporove. Sudije na Vanparničnom odjeljenju su prema funkcionalnoj nadležnosti rješavale vanparnične predmete oznake „V“, sudske „O“ predmete po prijedlozima za raspravljanje naknadno pronađene imovine te odlučivale po prigovorima na odluke notara. Od dvije stručne saradnice na ovom odjeljenju, u periodu od 01.01.-14.10.2020. godine jedna je rješavala predmete oznake „O“ po prijedlozima za donošenje dopunskih rješenja i dio „V“ predmeta (protest mjenice), dok je druga rješavala notarske „O“ predmete (povjeravanje spisa notarima, pregledanje spisa vraćenih od notara, arhiviranje istih), te dio predmeta oznake „V“ (protest mjenice i ispravka imena). Nakon što je jedna stručna saradnica raspoređena na Odjeljenje za sporove male vrijednosti (Ilidža), na Vanparničnom odjeljenju je počev od 15.10.2020. godine do 31.12.2020. godine poslove obavljala samo jedna stručna saradnica koja je po funkcionalnoj nadležnosti rješavala sudske „O“ predmete po prijedlozima za donošenje dopunskih rješenja, notarske „O“ predmete, te dio „V“ predmeta.



Na početku 2020. godine Vanparnično odjeljenje je imalo 6.170 neriješenih predmeta, zaprimljeno je 7.956 predmeta tako da je u radu bilo 14.126 predmeta. U toku 2020. godine je riješeno ukupno 5.600 predmeta, od čega je vanparničnih predmeta „V“ riješeno 1.330, „O“ predmeta 655, te predmeta „O“ koji su povjereni notarima 3.615, tako da je na kraju perioda ostalo neriješeno 8.526 predmeta.

Priliv predmeta nije savladan na „V“ referatu za 57 predmeta, a na notarskom „O“ referatu za 2.324 predmeta, dok je na O „sudskom“ referatu savladan priliv. Iako je priliv predmeta na odjeljenju bio smanjen za oko 30% u 2020. godini, razlozi zbog čega isti nije savladan su nepopunjenost vanparničnog odjeljenja sudijama te smanjeni obim rada suda u toku pandemije virusa COVID-19.

I pored naprijed navedenih razloga, Vanparnično odjeljenje je ostvarilo godišnju normu od 202,41 % (procent sa uračunatim odsustvima sudija).

U odnosu na 2019. godinu priliv predmeta je u 2020. godini bio manji za ukupno 693 predmeta i to na „V“ referatu je zaprimljeno manje 570 predmeta (30% manje), sudskih „O“ predmeta manje 497 predmeta (45% manje), dok predmeta „O“ koji se povjeravaju notarima zaprimljeno je više za 375 predmeta. Na manji broj riješenih predmeta u odnosu na 2019. godinu i pored smanjenog priliva, ukoliko se u obzir uzme struktura predmeta, utjecao je broj manje riješenih predmeta povjerenih notarima oznake „O“ za 1.837, dok je „V“ predmeta riješeno manje za 196.

Notarima je dostavljeno na rješavanje u toku 2020.

godine 5.018 predmeta, riješeno je 3.314 tako da je u radu ostalo 4.961 predmet, što je više u odnosu početak ovog izvještajnog perioda (3.785).

Na Vanparničnom odjeljenju se rješavaju predmeti oznake „V“ koji se odnose na uređenja ličnih stanja, oduzimanje i vraćanje poslovne sposobnosti, produženja i prestanka roditeljskog staranja, zadržavanja duševno bolesnih osoba u zdravstvenoj ustanovi, proglašenje nestalih umrlima i dokazivanja smrti, „uređenja međa, razvrgnuća suvlasništva, ispravke imena u zemljišnim knjigama koji su po svojoj prirodi hitni te zahtijevaju postupanje u kratkim rokovima, maksimalnu angažovanost sudija u radu na istim, rad na terenu, što zbog odsustva sudija utiče i na raspoloživo radno vrijeme sudija, te rad na ostalim predmetima.

Imajući u vidu da Vanparnično odjeljenje tokom 2020. godine nije bilo u potpunosti popunjeno sudijama i stručnim saradnicima, činjenicu slabijeg intenziteta rada suda zbog odsustva zaposlenika i većeg broja odgođa ročišta u toku pandemije COVID-19 te činjenicu da rješavanje „O“ predmeta koji se povjeravaju notarima zavisi isključivo od dinamike rada samih notara, a da je Vanparnično odjeljenje u 2019. godini ostvarilo godišnju normu od 192,73%, koja sa uračunatim odsustvima sudija iznosi 202,41%, da je Plan realizovan sa 86,29 % (što je više u odnosu na prethodnu godinu), a procent riješenih najstarijih predmeta iz Plana 38,34 %, da je kvalitet odluka na vanparničnom odjeljenju je 80,49% potvrđenih odluka, to se rad Vanparničnog odjeljenja u 2020. godini može ocijeniti izuzetno dobrim.

Prekršajno odjeljenje (Ostvarena norma 78,81%)

U izvještajnom periodu, od 01.01. do 31.12.2020. godine, na Prekršajnom odjeljenju je radilo devet sudija te je potrebno napomenuti da je broj sudija na ovom odjeljenju u odnosu na prethodne tri godine smanjen za troje sudija jer je na početku 2017. godine na odjeljenju radilo 12 sudija.

Na početku 2020. godine ovo odjeljenje je imalo 5.454 neriješenih predmeta, a tokom 2020. zaprimljeno je 11.792 novih predmeta (što je za 2.420 predmeta više nego u prethodnoj godini), tako da je u radu bilo ukupno 17.246 predmeta. Od ukupnog broja predmeta u protekloj godini ovo odjeljenje je riješilo 7.114, dok je neriješenih predmeta ostalo 10.132. Ostvarena je prosječna norma od 79,34%. Iako je tokom perioda mart-juli 2020. godine ovo odjeljenje radilo po posebnom režimu zbog Koronavirusa, sudije ovog suda su uložile sve napore kako bi se ažurirao referat te riješili svi zaoostali neriješeni predmeti, posebno predmeti u kojima je nastupila zastara izvršenja prekršajnih sankcija, koji se u ranijem periodu nisu mogli rješavati zbog preopterećenosti sudija redovnim predmetima, a imajući u vidu predviđenu normu za ovo odjeljenje koja je izuzetno visoka i za koju smo više puta tražili da se ista smanji i svede u realne okvire. Osim toga u tom periodu, kao i tokom cijele godine, sudije su po rasporedu dežurale u predmetima hitne prirode te su blagovremeno riješe-

ni svi predmeti koji su zahtijevali hitnost u rješavanju. Sudije su isto tako radile i ostale poslove koji su bitni za ažuriranje referata, a po potrebi su učestvovala i u vijećima krivičnih predmeta.

Imajući u vidu da je 2020. godina bila godina sa posebnim režimom rada zbog koronavirusa, ovaj procenat norme se može smatrati kao rezultat izuzetnih napora cijelog odjeljenja, kako sudija tako i njihovih asistenata. U pogledu kvaliteta rada Prekršajnog odjeljenja potrebno je navesti da je ovo odjeljenje, ulažući velike napore, postiglo izuzetne rezultate. Sa drugostepenog suda vraćeno je 682 predmeta po žalbi, od čega potvrđeno i pozitivno preinačeno 670, dok je ukinuto svega 12 predmeta, izraženo u procentima - potvrđenih odluka 98,24%, a ukinutih 1,76%. Pored gore navedenog kvaliteta rada sudija, uspjeh ovog odjeljenja ogleda se i u činjenici da je ostvarena izuzetna realizacija Plana rješavanja predmeta u 2020. godini, izražena u procentima 78,69 %, a što sve ukazuje na izuzetnu posvećenost sudija radu ovog odjeljenja. Ovdje treba posebno istaknuti da su sudije zbog hitnosti, prioritarno uzimale u rad predmete koji se odnose na COVID-19, (zaprimljeno 1.739, a urađeno 636 predmeta, ostalo neurađeno 1.103) kao i predmete saobraćaja u kojima je prijetila zastara, a koji predmeti se nisu nalazili u Planu rješavanja sudija za 2020. godinu. Također je neophodno napomenuti da u ovom odjeljenju sudije dežuraju 24 sata te da su u proteklom izvještajnom periodu 100% odgovorile svim postavljenim zadacima.

Za Prekršajno odjeljenje je, pored rješavanja predmeta u redovnom postupku, značajan i referat izvršenja prekršajnih sankcija na kojem je na početku 2020. godi-



▲ Prekršajna pisarnica

ne bilo 16.061 predmeta, a tokom izvještajnog perioda zaprimljeno 4.088 novih, tako da je u radu bilo 20.149 neriješenih predmeta. Od tog broja riješeno je 6.551, dok je neriješenih ostalo 13.598 predmeta.

Na referatu izvršenja prekršajnih sankcija uloženi su naponi na poboljšanju naplate novčanih kazni te su i pored problema koji se odnose na zakonsku regulative u ovoj oblasti postignuti zadovoljavajući rezultati. Naplaćeno je 995.359,00 KM, što je za 540.562,00 KM manje nego u prethodnoj godini, a što je rezultat smanjenja broja uposlenika na ovom referatu, kao i pojave pandemije Koronavirusa. Za postizanje boljih rezultata na referatu izvršenja prekršajnih sankcija neophodno je angažovanje još jednog ili dva referenta jer bi se na taj način mogla poboljšati prinudna naplata blokiranjem računa fizičkih, odnosno pravnih lica, a kako je to propisano zakonom. Sudije su ažurirale Ips referat u pogledu predmeta u kojima je nastupila zastara izvršenja, kao i predmeta u kojima su se stekli uslovi za arhiviranje. U kontekstu izvršenja prekršajnih sankcija potrebno je napomenuti da su u protekloj godini većinom riješeni i predmeti u kojima su oduzeta vozila te je od ukupno 52 navedena predmeta, riješeno 44 predmeta, dok je ostalo neriješeno osam predmeta, a čije rješavanje je u toku. U predmetima u kojima su vozila prodana u ranijem periodu, (a radi se o osam vozila koja su bila veće vrijednosti) sredstva su uplaćana u odgovarajuće budžete u skladu sa zakonom.

U toku 2020. godine Prekršajno odjeljenje je izdalo 3.914 uvjerenja, a ostalo je neriješeno 39 zahtjeva.

U cilju što boljeg i efikasnijeg rada, te podizanja kvaliteta rada Prekršajnog odjeljenja potrebno je da se ovom odjeljenju dodijeli još jedan sudija te da se od strane VSTV-a BiH ponovo razmotri orijentaciona norma za ovo odjeljenje jer je propisana norma, meritorno 78 predmeta ili 132 predmeta po ostalim načinima završetka, previsoka i nerealna s obzirom na složenost i trajanje postupka.

Odjeljenje registra za upis poslovnih subjekata

(Ostvarena norma 160,67%)

Odjeljenje Registra za upis poslovnih subjekata u 2020. godini je zaprimilo 4.524 predmeta, a što je u odnosu na 2019. godinu, kada je zaprimljen 6.370

predmet, manje za 1.846 predmeta.

Od ukupno 5.444 predmeta, riješeno je 4.803 predmeta tako da zaostatak na kraju izvještajnog perioda iznosi 650 neriješen predmet, a što je za 272 predmeta manje u odnosu na početak 2020. godine kada je zaostatak iznosio 922 predmeta. Ovaj rezultat je postiglo pet sudija uz ukupno ostvarenu normu odjeljenja od 160,67%. Uspjeh rada ovog odjeljenja, koji se ogleda kroz smanjenja broja zaostataka te procenat ostvarene norme sudija, postignut je iz nekoliko razloga:

Na odjeljenju je raspoređeno pet sudija, a što je utjecalo da se riješi priliv predmeta i ostvari trend smanjivanja zaostataka.

Na sastancima odjeljenja redovno se prati rad svih sudija, a posebno se radi na ujednačavanju sudske prakse u cilju lakšeg postupanja sudija procesu ocjene zakonitosti priloženih isprava u postupku registracije.

U 2020. godini uveden je novi način zavodjenja predmeta tako što se više prijava jednog poslovnog subjekta koje se odnose na podružnice zavode pod jedan broj, a radi čega je i ukupan broj prijava manji u odnosu na 2019. godinu.

Tokom prošle godine je smanjen i broj prijava za osnivanja i promjena kod poslovnih subjekata usljed otežanih uslova rada poslovnih subjekata u vrijeme pandemije COVID-19.

Uvedeno je komuniciranje sa strankama putem e-maila čime je, u okolnostima trajanja pandemije COVID-19, izbjegnuta obaveza fizičkog dolaska stranaka u sud te brže rješavanje prijava.

Analizom broja predmeta ovog suda, u odnosu na broj predmeta u svim sudovima u FBiH, utvrđeno je da je ukupno u FBiH u 2020. godini upisano 1.578 poslovnih subjekata (ukupno 10 registarskih sudova), a da je u Općinskom sudu u Sarajevu upisan 691 poslovni subjekt - što čini 43,73%.

Posebna aktivnost koja se vodi na ovom odjeljenju odnosi se na proces digitalizacije arhivske građe sudskog registra, koji je počeo 01.04.2019. godine. Na kraju 2020. godine završeno je 7147.528 skenova što je oko 95% od ukupno planiranog broja skenova.

Okončanje ovog projekta planirano je u 2021. godini, čime će se stvoriti uslovi za elektronsko pretraživanje i uvid u sva rješenja i isprave registrovanog poslovnog subjekta te lakše i brže izdavanje uvjerenja i izvoda iz sudskog registra.

Ranije aktivnosti na ovom odjeljenju koje se odnose na sastanke sa sudijama drugih registarskih sudova u FBiH, RS i Distrikt Brčko su usljed pandemije otežane tako da je početkom 2020. godine održan samo jedan sastanak, a planirano je i dalje održavanje takvih sastanaka.

Imajući u vidu ostvarene rezultate, rad ovog odjeljenja

▲ Sudija Aida Cikotić Selimović



u 2020. godini može se ocijeniti kao veoma uspješan, a što potvrđuje činjenica da su sudije ažurno uzimale prijave u rad pa nije bilo primjedbi stranaka na dužinu trajanja i kvalitet postupka registracije.

Na kraju protekle godine je ostao neriješen 641 predmet, a što predstavlja godišnju normu jednog sudije. To znači da bi sa još jednim sudijom ovo odjeljenje riješilo sve zaostatke i predmete rješavalo po dnevnom prilivu, bilo potpuno ažurno.

Zemljišnoknjižni ured (Ostvarena norma 101%)

Zemljišnoknjižno odjeljenje ovog suda je tokom 2020. godine zaprimilo ukupno 34.613 predmeta (Dn-a), od čega 30.613 redovnih predmeta i 4.000 predmeta u postupku novog uspostavljanja i zamjene zemljišnih knjiga (postupak harmonizacije).

Broj predmeta u obradi, predmeta po kojima je postupljeno, ali nije odlučeno zbog postojanja otklonjivog nedostatka (neurađenih predmeta) iz 2019. godine iznosio je 1761, tako da je ukupan broj redovnih predmeta u radu iznosio 32.374. Tokom 2020. godine, od navedenog broja redovnih predmeta u radu, urađeno je 31.574 tako da je sa danom 01.01.2021. godine broj

predmeta u obradi (neurađenih predmeta) iznosio 800. U vremenskom periodu od četiri godine (tačnije od 2016. godine do kraja 2020. godine) zaprimljeno je 91.532 predmeta u postupku novog uspostavljanja i zamjene zemljišnih knjiga (postupak harmonizacije). Od ukupnog broja zaprimljenih predmeta, u navedenom periodu urađeno je 90.852 predmeta, a ostalo je nezavršenih 680 predmeta.

Tokom 2020. godine zaprimljeno je 91.808 zahtjeva za izdavanje zemljišnoknjižnih izvadaka, 607 zahtjeva za izdavanje zemljišnoknjižnih izvadaka sa historijatom i 9.153 RZ-a (raznih zamolnica, obavještenja, uvjerenja, potvrda i sl.).

Zemljišnoknjižno odjeljenje ovog suda je tokom 2020. godine, od trenutka proglašenja stanja pandemije prozrokovane Koronavirusom, radilo u kontinuitetu te je unatoč navedenoj situaciji, održana ažurnost u pogledu rješavanja prijedloga/zahtjeva za upis (zabilježbu, predbilježbu i uknjižbu), kao i ažurnost u pogledu izdavanja zk izvodaka („na licu mjesta”) i zk izvodaka sa historijatom u roku od sedam dana od dana podnošenja zahtjeva.

Iz priložene tabele vidljiv je obim posla koji proizilazi kako zbog povećanog priliva zemljišnoknjižnih predmeta, tako i zbog povećanja drugih segmenata rada Zk odjeljenja, kao što su zamolnice (koje zahtijevaju istraživanje u zemljišnim knjigama, najčešće za banke - istraživanja o imovini dužnika-neplatiša i dr.), izda-

Tabelarni pregled priliva „Dn“, „Rz“, „Nar“ predmeta i naplaćene sudske takse u Zemljišnoknjižnom odjeljenju Općinskog suda u Sarajevu za period od 2014. do 2020. godine

Godina	Broj zaprimljenih „Dn“ predmeta	Broj zaprimljenih „Rz i Nar“ predmeta (zk izvaci, historijati zk uložaka, uvjerenja, zamolnice i sl.)	Iznos naplaćene sudske takse u KM
2014.	29.387	83.530	1.5878.48
2015.	32.806	92.722	1.666.301.00
2016.	32.635	98.147	2.740.413
2017.	33.692	119.406	1284500
2018.	34.973	132.593	1.435636
2019.	33.846	132.593	1568654
2020.	34.613	9.760	1.096.37.00

vanje historijata zemljišnoknjižnih uložaka, potvrda o neposjedovanju nekretnina, kao i enorman broj zahtjeva za izdavanje zemljišnoknjižnih izvadaka.

Imajući u vidu činjenicu podnošenja zahtjeva za pojedinačne uspostave zemljišnoknjižnih uložaka u postupku uspostave i zamjene zemljišnih knjiga, neovisno od postupka systemske uspostave, tokom 2020. godine povećan je broj zemljišnoknjižnih referenata, sa jednog na tri, a koji postupaju po predmetnim zahtjevima. U 2020. godini nastavljene su promjene koje su započete u 2018., a u pogledu sistematizacije radnih mjesta, koje su u konačnici dovele do bolje ažurnosti u radu na predmetima (Dn-ovima), kao i u radu sa strankama u šalter sali ovog ureda jer trenutno sa strankama radi devet uposlenika ovog ureda, tj. sedam referenata u šalter sali Zk ureda koji rade sa fizičkim i pravnim osobama, kao i po raznim zamolnicama (Rz-ovima) za vrijeme rotacije referenata i dva referenta koji rade isključivo sa notarima i advokatima.

U toku su pregovori i pripreme za potpisivanje sporazuma između Federalne geodetske uprave i Općinskog suda u Sarajevu o nastavku Projekta systemske uspostave i zamjene zemljišnih knjiga, temeljem kojeg bi se preuzelo u rad deset katastarskih općina novog premjera, a po zahtjevu četiri političke općine Kantona Sarajevo.

Posebno naglašavamo da je Zk ured ovog suda tokom 2019. i 2020. godine postavio radne ciljeve, a koji se odnose ne samo na savladavanje priliva predmeta, tj. kvantitet, nego i na kvalitet odluka koje se donose u zemljišnoknjižnim predmetima. Pokazatelj kvaliteta rada ovog odjeljenja su odluke Kantonalnog suda u Sarajevu, koji je u period 2020. godine riješio 304 predmeta po žalbama na rješenja ovog ureda. Od navedenog broja je potvrđeno 252, a ukinuto i vraćeno na ponovni postupak 52, što ukazuje na kvalitet odluka Zk ureda ovog suda.

Izvršno odjeljenje za rješavanje po vjerodostojnoj ispravi (Ostvarena norma 798,79%)

Tokom 2020. godine, na Izvršnom odjeljenju po vjerodostojnoj ispravi na Grbavici, bila su raspoređena tri stručna saradnika. Na početku izvještajnog perioda bilo je ukupno 966.744 neriješenih predmeta te je uz godišnji priliv od 80.781 predmeta ukupno u radu u 2020. godini bilo 1.047.525 predmeta. Od ukupnog broja neriješenih predmeta, u 2020. godini je iskazano završenim 81.577 predmet, od kojih je 945 Ip predmeta i 80.632 I predmeta, uz ostvarenu normu odjeljenja od 798,79%, pri čemu su svi stručni saradnici ostvarili prebačaj norme.

Posebno treba napomenuti da su stručni saradnici, a u skladu sa Planom rada za 2020. godinu, prioritet u radu davali predmetima sa najstarijim inicijalnim aktom kao i to da su se na Odjeljenju blagovremeno donosila rješenja po prigovoru i predmeti dostavljali sarajevskom Kantonalnom sudu po izjavljenoj žalbi.

U vezi naprijed navedenog, Kantonalni sud u Sarajevu je u 2020. godini potvrdio 77 prvostepenih odluka Odjeljenja, pri čemu u izvještajnom periodu nije bilo nijedne ukinute odluke, što ukazuje na visok kvalitet odluka koje se donose na Izvršnom odjeljenju po vjerodostojnoj ispravi.

Odjel pisarnice na Izvršnom odjeljenju po vjerodostojnoj ispravi je u toku cijele 2020. godine ostvarivao dnevnu ažurnost unošenja pristiglih dostavnica i

podnesaka u Sokop sistem, kao i ažurnost u pripremanju pismena za dostavu izvršenicima, koja se ogleda u štampanju samih pismena i dostavnica koje stručni saradnici kreiraju. Uzimajući u obzir da se radi o zaista velikom broju kreiranih rješenja i zaključaka, jasno je da Odjel pisarnice uveliko doprinosi radu i efikasnosti samog Odjeljenja.

Sudski dostavljači-kuriri su takođe u 2020. godini dali veliki doprinos radu Odjeljenja, te su u izvještajnom periodu otpremili ukupno 12.257 sudskih pismena, pri čemu su, u odnosu na cijenu poštanskih usluga, ostvarili uštedu od 296.974,20 KM.

Imajući u vidu naprijed navedene pokazatelje, koji se ogledaju u visokoj normi odjeljenja, visokom kvalitetu odluka, prebačaju pojedinačnih normi stručnih saradnika, efikasnosti i ažurnosti sudske pisarnice, te efikasnosti i uštedama sudskih dostavljača-kurira, s pravom se može reći da je rad Izvršnog odjeljenje po vjerodostojnoj ispravi u 2020. godini bio izuzetno dobar, te da je potpuno ostvaren Plan rada za 2020. godinu.

Odjeljenje za sporove male vrijednosti (Ostvarena norma 143,15%)

Na početku izvještajnog perioda na Odjeljenju za sporove male vrijednosti radio je 21 stručni saradnik. Tokom izvještajnog perioda šest stručnih saradnika je otišlo na druge pozicije. Također, na Odjeljenje je došao jedan novi stručni saradnik i tri stručna saradnika sa drugih odjeljenja.

Na početku 2020. godine Odjeljenje je imalo 91.223 neriješena predmeta, a tokom godine je zaprimljeno 20.220 predmeta, zbog čega je u radu bilo ukupno 111.443 predmeta. Iako je u 2020. godini na ovom odjeljenju bio izrazito veliki priliv, a smanjen broj postupajućih stručnih saradnika, sa 31.12.2020. godine urađeno je 19.713 predmeta, a ostalo je neriješenih 91.730 predmeta.

U 2020. godini Odjeljenje za sporove male vrijednosti je ostvarilo normu od 143,15%.

Kada je riječ o Planu rješavanja predmeta u 2020. godini, isti je realizovan u procentu od 83,65%. Analiza kvalitete rada pokazuje da je u izvještajnom periodu sa Kantonalnog suda u Sarajevu vraćeno ukupno 775 predmeta i to potvrđenih 649 odluka, 116 preinačenih, i 29 ukinutih.

▲ Sudija Nenad Banduka



Izvršenje krivičnih sankcija

U 2020. godini Općinski sud u Sarajevu – referat Izvršenje krivičnih sankcija (Iks) je zaprimio 360 predmet sa naredbom za izvršenje krivičnih sankcija i drugih mjera izrečenih u krivičnom postupku. Uključujući predmete koji su ostali otvoreni iz 2019. godine, a zaključno sa 31.12.2020. godine, ukupno je iskazano završenim 383 predmeta.

Postupajući po istim izdato je 126 naredbi sudskoj policiji za lišenje i sprovođenje osuđenih u kazneno-popravne zavode, izdato je 30 centralnih i 18 međunarodnih potjernica. U 26 predmeta izrečena kazna zatvora je uz primjenu člana 43a. Krivičnog zakona F BiH zamijenjena novčanom kaznom i otkupljena. Također, u pet predmeta došlo je do nastupanja izvršenja kazne zatvora (do jedne godine) primjenom kućnog zatvora sa elektronskim nadzorom.

U 2020. godini nije bilo osuđenih lica koja su čekala na izdržavanju kazne zatvora zbog nedostatka smještajnih kapaciteta.

Odsjek za CMS

Prethodna, 2020. godina, će u odsjeku za CMS ostati zapamćena po velikom broju promjena korisnika aplikacije, odlazaka iz Suda i dolazaka novih korisnika. U toku godine je presignirano preko 40 referata i dijelova referata sudija i stručnih saradnika koji su otišli iz Suda, vratili se sa dužeg odsustva ili promijenili odjeljenje. To je urađeno kroz preko 300 masovnih presignacija, a nerijetko su se predmeti pregledali i presignirali pojedinačno kako bi se otklonile sistemske greške masovnih presignacija iz prethodnih godina. Do ovih grešaka je

Komparativni prikaz aktivnosti Odsjeka za CMS u 2019. i 2020. godini

Vrsta Intervencije	Broj radnji u 2020.	Broj radnji u 2019.	Razlika 2020. - 2019.
Invalidacije pristigle kroz CMS / proglasi nevažećim	23.772	28.245	-4473
Intervencije pristigle e-mailom	12.583	14.000	-1417
Intervencija-sugestija putem telefona	4.413	4.994	-581
Intervencija na licu mjesta	71	18	53

došlo iz razloga što do 2018. godine, prilikom masovne presignacije, nije bilo moguće sistemski presignirati sve faze predmeta jednom sudiji. Zbog toga se dešavalo da različite faze jednog predmeta sistem dodijeli različitim sudijama. Tokom druge polovine 2020. godine veliki broj ovakvih predmeta je pojedinačno pregledan i korigovane su sistemske greške. Sa ovom aktivnosti ma će se nastaviti i u 2021. godini.

Takođe, tokom godine se uradio i značajan broj nivelacija predmeta po odjeljenjima. Nivelacije su vršene u cilju ujednačavanja broja i težine predmeta u referatima sudija, tj. u cilju postizanja podjednake opterećenosti sudija jednog odjeljenja. Ovim se željelo i osigurati da u planovima rješavanja predmeta, sudije istog odjeljenja imaju predmete približno iste starosti.

Tokom 2020. godine, Odsjek za CMS je napravio preko 86.000 intervencija po zahtjevima korisnika u CMS aplikaciji, što je za oko 10% manje nego u 2019. godini. Do ovog smanjenja je došlo u martu, aprilu i maju, kada su, radi epidemioloških mjera, uvedene dežure na nivou Suda.

Najveći broj zahtjeva korisnika za korekciju/intervenciju, njih 23.772, je poslan kroz CMS, dok je 12.583 upućeno putem e-maila. Već četvrtu godinu, broj proglašenja nevažećim dokumenta, zadatka ili radnji, koji su pristigli kroz CMS, pokazuje trend opadanja. Razlog za ovo leži u tome što se posljednjih nekoliko godina obraća posebna pažnja na stalnu edukaciju korisnika. Daljinski pristup desktopu korisnika, koji omogućava lakše i brže rješavanje problema, kao i edukaciju korisnika, je prešao u rutinu.

Osim toga, CMS administratorice su imale i 4.413 intervencije pristigle telefonskim putem, a korisnici koji su imali problem vezan za CMS su se u 71 slučaju lično obratili u Odsjek za CMS. Neke od ovih intervencija su bile realizovane jednostavnim klikom u aplikaciji, dok su druge iziskivale mnogo zahtjevniju analizu i angažman, koji je ponekad trajao i više dana.

Odsjek za kurirske poslove

Tokom 2020. godine Odsjek sudskih dostavljača je sve ciljeve i zadatke uspješno realizovao, prije svega zahvaljujući pravovremenoj reakcijom i mjerama zaštite na radu koje je donijela uprava Općinskog suda u Sarajevu, a u vezi sa pojavom COVID-19.

I pored toga što je Odsjek u 2020. godini radio sa 12 sudskih dostavljača, uspješno je razduženo 125.834 pismena. U protekloj godini Odsjek sudskih dostavljača dobio je novo vozilo koje će uveliko olakšati samu dostavu pismena, a prvenstveno na terenu koji je slabo ili nikako pokriven javnim gradskim prijevozom. Također, evidentirano je vrlo malo zaostataka koji su uzrokovani poštivanjem mjera zaštite na radu, a u cilju očuvanja zdravlja kako uposlenika suda tako i stranaka u postupku prilikom uručjenja pismena.

Sva pismena blagovremeno su uručena tokom 2020. godine.

Odsjek sudskih izvršitelja

U protekloj godini, u okviru svojih aktivnosti, sudski izvršitelji su izdvojili stare predmete (strukturne predmete) na način da su jednom ili dva puta u radnoj sedmici, po potrebi, organizovano učestvovali u radnoj akciji koja je za cilj imala smanjenje ukupnog broja predmeta u referatima gdje je taj broj povećan u od-

nosu na druge referate.

Rješavanje predmeta koji su prioritetni

Definisan je rok za postupanje po predmetima hitne i urgentne prirode; gdje je evidentirana ažurnost u blagovremenom postupanju, te efikasnost u postupanju po predmetima urgentne prirode.

Statistički parametri

U toku 2020.godine, služba je zaprimila 5.716 naloga po rješenjima o izvršenju (struktura).

Sudijama je vraćeno 5.503 naloga po rješenjima o izvršenju (struktura). U toku 2020.godine Odsjek je proveo izvršne radnje u 1.157 komunalnih predmeta. Na kraju 2020.godine, ostalo je 1.466 neriješenih naloga po rješenjima o izvršenju u okviru strukturalnih predmeta.

Složnije radnje provedene u protekloj godini:

- 187 deložacija,
- 16 ometanja posjeda,
- 50 privremenih mjera,
- 160 okvirnih zakona o zalozima.

Provedeno je 120 javnih prodaja.

Odsjek sudskih izvršitelja je bio primoran da novim protokolima u radu sa strankama definiše smjernice postupanja a koje diktrira novonastala situacija uzrokovana pojavom virusa COVID-19.

Obavljanje kancelarijskih poslova u toku pandemije te rad od kuće su usporili radnu efikasnost i odrazili se na finalnim proračunima.

Visoke mjere sigurnosti i preuzimanje pojedinačne odgovornosti u postupanju po interno propisanim mjerama zaštite osigurale su da Odsjek bez značajnih problema,

u kratkom roku nastavi sa terenskim radom.

Blagovremenim i precizno definisanim smjernicama za rad Odsjeka u narednoj, 2021. godini, definisan je detaljan plan kao i konkretni radni ciljevi. Zadatak smjernica je efikasnija iskorištenost radnog vremena i radnog učinka, kao i ažurnost u postupanju po predmetima. Saradnja sa sudijama Izvršnog odjela putem predsjednika je na visokom nivou te se uzajamnim planiranjem radnih ciljeva definisalo postupanje po prioritetnim radnim zadacima.

Odsjek sudskih izvršitelja, u raspoloživim kapacitetima, spreman je da

- brzo i efikasno postupaju po predmetima starijeg datuma zaprimanja
- organizuje radne akcije po ukazanoj potrebi
- planira postupanje po predmetima u objektivnim rokovima
- po potrebi organizuje asistenciju sudske policije i ostalih neophodnih institucija čija podrška na terenu je neophodna.


Odsjek sudskih izvršitelja broji 14 uposlenika i organizovan je tako da sudski izvršitelji koji obavljaju poslove na terenu imaju obavezu evidencije svog rada putem dnevnih i sedmičnih izvještaja, a na osnovu kojih se prati ažurnost i efikasnost u radu te formiraju mjesečni izvještaji.

Neophodnu podršku na terenu pružaju uposlenici čiji zadatak se odnosi primarno na obavljanje administrativno tehničkih poslova za potrebe Odsjeka, te osim navedenog zadatka obavljaju i sve ostale radne zadatke a koji se odnose na zaprimanje, kontrolu i raspodjelu pristiglih izvršnih naloga od strane postupajućih sudija kao i ažuriranje baze podataka.

Odsjek je u 2020. godini unaprijeđen dodatnim službenim vozilom koje će dodatno olakšati rad na udaljenim terena, što u mnogome olakšava rad cjelokupnog Odsjeka.

U protekloj 2020. godini formirane su dvije baze podataka koje za cilj imaju detaljnu analitiku o kretanju predmeta od trenutka zaprimanja u Odsjek. Iste se koriste kao mehanizam prikupljanja svih neophodnih analitičkih parametara i pokazatelja.

Tokom 2020. godine sudski izvršitelji proveli su 5.503 izvršne radnje, a ostvarena je norma od 73,04%. ■



▲ Sudski izvršitelji

Općinski sud u Sarajevu

Protok predmeta u 2020. godini

Vrsta predmeta	Broj neriješenih predmeta na početku perioda I	Broj primljenih predmeta tokom izvještajnog perioda II	Ukupan broj svih predmeta u radu III = I+II	Broj predmeta koji su riješeni u izvještajnom periodu IV	Broj neriješenih predmeta V = III-IV
----------------	---	---	--	---	---

Parnično odjeljenje - (16 sudija) - prosjek 267 predmeta po referatu - bilo 3000

P	3.639	3.332	6.971	2.716	4.255
Radni	2	19	21	10	11
Ukupno	3.641	3.351	6.992	2.726	4.266

Odjeljenje za radne sporove - (13 sudija) - prosjek 154 predmeta po referatu - bilo 3000

P	16	17	33	14	19
Radni	2.291	1.120	3.411	1.428	1.983
Ukupno	2.307	1.137	3.444	1.442	2.002

Porodično odjeljenje - (5 sudija) - prosjek 152 predmeta po referatu bilo 2974

P-Rs	3	0	3	0	3
Porodični	871	851	1.722	966	756
Ukupno	874	851	1.725	966	759

Privredno odjeljenje - (9 sudija) - prosjek 202 predmeta po referatu - bilo 3122

Ps	1.224	1.088	2.312	962	1.350
L	245	219	464	243	221
St	216	131	347	103	244
Ukupno	1.685	1.438	3.123	1.308	1.815

Krivično odjeljenje - (13 sudija) - prosjek 80 predmeta po referatu - bilo 545

K	844	794	1.638	1.031	607
Kp	0	0	0	0	0
Kpp	69	3.269	3.338	3.290	48
Kps	508	744	1.252	901	351
Km	15	17	32	28	4
Kmv	2	42	44	43	1
Kv	58	1.631	1.689	1.659	30
Ukupno	1.496	6.497	7.993	6.952	1.041

IKS	137	360	497	383	114
------------	------------	------------	------------	------------	------------

Izvršno odjeljenje - "I - Ip" - (25 sudija - 1 str. sar.) - prosjek 688 pred./ref. - bilo 60000

I	5.475	6.771	12.246	5.509	6.737
Ip	831	1.092	1.923	867	1.056
POM	6	18	24	9	15
I-kom	6.280	1.340	7.620	2.209	5.411
Ip-kom	413	213	626	211	415
Mal-I-Ip	3.919	2.098	6.017	1.773	4.244
Ukupno	16.924	11.532	28.456	10.578	17.878

Vanparnično odjeljenje - (3 sudija + 1 str.s. V ref.) - prosjek 276 pred./ref. - bilo 3008

V	1.046	1.387	2.433	1.330	1.103
O	680	630	1.310	655	655
O - notari	4.443	5.939	10.382	3.615	6.767
Ostalo*	1	0	1	0	1
Ukupno	6.170	7.956	14.126	5.600	8.526

Prekršajno odjeljenje - (9 sudija) - 1126 prosjek pred./ref. - bilo 4000

Pr	4.990	11.109	16.099	6.172	9.927
Pls	464	683	1.147	942	205
Ukupno	5.454	11.792	17.246	7.114	10.132

Odjeljenje registra za upis pravnih subjekata - (5 sudija) - prosjek 150 predmeta po referatu - bilo 562

Registracija poslovnih subjekata	922	4.528	5.450	4.800	650
----------------------------------	-----	-------	-------	-------	-----

Zk ured - (26 referenata) - prosjek predmeta po referatu 31 - bilo 4200

ZK predmeti	1.483	30.613	32.096	31.296	800
-------------	-------	--------	--------	--------	-----

Odjeljenje za sporove male vrijednosti - (pred. odjeljenja + 18 str.sar.) - prosjek 4828

Mal-kom	70.798	13.172	83.970	13.769	70.201
Mal	10.252	3.664	13.916	3.273	10.643
Mals-kom	5.839	2.041	7.880	1.112	6.768
Mals	4.326	1.343	5.669	1.559	4.110
POM	8	0	8	0	8
Ukupno	91.223	20.220	111.443	19.713	91.730

Izvršno odjeljenje po vjerodostojnim ispravama (3 str.sar.) prosjek / ref. 321.982

I	928.466	77.221	1.005.687	80.632	925.055
Ip	38.278	3.560	41.838	945	40.893
Ostalo*	0	0	0	0	0
Ukupno	966.744	80.781	1.047.525	81.577	965.948

Ukupno	1.099.060	181.056	1.280.116	174.455	1.105.661
---------------	------------------	----------------	------------------	----------------	------------------

2020. godina

OD UKUPNO 1.105.661 NERJEŠENIH PREDMETA, 1.057.678 ILI 95,66 % ČINE KOMUNALNI PREDMETI, DOK JE 47.983 ILI 4,34 % STRUKTURNIH PREDMETA

47.983	Struktura
-17.878	Izvršni - struktura
-10.132	Prekršaji
-800	ZK
-650	Registar
-114	Iks-referat
18.409	1,66% - parnica i krivica

2019. godina


OD UKUPNO 1.099.060 NERJEŠENIH PREDMETA, 1.057.976 ILI 96,26 % ČINE KOMUNALNI PREDMETI, DOK JE 41.093 ILI 3,74 % STRUKTURNIH PREDMETA

41.093	Struktura
-16.924	Izvršni - struktura
-5.454	Prekršaji
-1.483	ZK
-922	Registar
-137	Iks-referat
16.138	1,47% - parnica i krivica

Struktura nerješenih predmeta na dan 31.12.2020. godine

Kvalitet rada suda u 2020. godini iznosi 89,51%

Realizacija najstarijih predmeta 68,44%



Ostvarena norma po odjeljenjima:

Odjeljenje	Norma
Parnično	70,19%
Odjeljenje za radne sporove	51,6%
Porodično	85,14%
Privredno	119,96%
Krivično	98,84%
Izvršno - "I - Ip"	86,83%
Vanparnično	202,41%
Prekršajno	78,81%
Registracija poslovnih subjekata	160,67%
Odjeljenje za sporove male vrijednosti	143,15%
Izvršno - po vjerodostojnoj ispravi	798,79%
ZK	101,00%
NORMA SUDA	112,97%

Izveštaj o rješavanju po zahtjevima o činjenicama iz sudske evidencije

Vrsta predmeta	Broj neriješenih predmeta na početku perioda	Broj primljenih predmeta tokom izvještajnog perioda	Ukupan broj svih predmeta u radu	Broj predmeta koji su riješeni u izvještajnom periodu	Broj neriješenih predmeta
Su	0		0		0
Su-M	0		0		0
Registar privrednih društava-Regz	243	10.347	10.590	10.345	245
Prekršajno odjeljenje (uvjerenja)	0	4.715	4.715	4.715	0
Krivično odjeljenje	0	0	0	0	0
Stečaj i Likvidacija	0		0	0	0
ZK - Izvodci	21	92415	92436	92436	0
Zk -RZ	367	9153	9520	9520	0
Apostile	0		0		0
Ostalo ("P", rod. i posl. Sposob)	0		0		0
Ukupno	631	116.630	117.261	117.016	245

Općinski sud u Sarajevu

